

ԳՐԻԳՈՐՅԱՆ ՍՈՆԱ

(ԱԻ)

ԲԻԱՅՆԻԼԻ - ՈՒՐԱՐՏՈՒԻ ԵԶՐԱՓԱԿԻՉ ԴԱՐԱՇՐՋԱՆԻ
ՊԱՏՄՈՒԹՅԱՆ ՈՒՍՈՒՄՆԱՍԻՐՈՒԹՅԱՆ ԽՆԴԻՐՆԵՐԸ ԱՐԴԻ
ՊԱՏՄԱԳՐՈՒԹՅԱՆ ՄԵՋ

Ուրարտուի վերջին արքաների ժամանակագրության խնդիրը ուրարտագիտության մեջ քննարվում է առ այսօր: Ի դեպ, այս խնդրին տարբեր կերպ են մտնեցել խորհրդային, արևմտյան և հետխորհրդային պատմագրության ներկայացուցիչները, տարբեր են արքաների տիրապետման համար առաջ քաշված ժամանակագրությունները, նրանց հաջորդականության խնդիրը, որի հետ մասնատված են առնչվում է Ուրարտական կայսրության անկման հանգամանքները: Ըստ որում, ժամանակին ուրարտական տերության թուլացումն ու անկումը վերագրում են, օրինակ Ռուսա III Էրիմենայրդու զահակալությունից հետո, մինչդեռ հետագայում ուրարտական զահագանկում ավելացվեցին նոր արքաներ, այն է՝ Զ.ա. VII դարի վերջում և VI դարի սկզբում: Մյուս կողմից, արքաների ժամանակագրության խնդիրը պատմագրության մեջ պատկանում է ուրարտագիտության կնճռոտ և սակավ ուսումնասիրված հարցերի թվին:

Պատմագրության մեջ ի հայտ եկած նոր տվյալների առկայությամբ ուրարտագիտության մեջ արտահայտված տեսակետները Զ.ա. VII դարի ուրարտական արքաների հաջորդականության մասին առկա նյութի հիման վրա, մեր կարծիքով, վերանայման կարիք ունեն: Այսպես, Գ. Ղափանցյանը Ռուսա I-ից հետո հիշատակում է Արգիշտի II (714-680? թթ.), Ռուսա II (680-645թթ.), Սուրդուրի III (կամ IV^o, 646-620թթ.) արքաներին: Նա Ուրարտուի վերջին արքա է համարում Ռուսա III Էրիմենայրդուն, որի համար կառավարման տարիներ համարում է Զ.ա. 605-585թթ., երբ Մարաստանը վերացնում է Ուրարտուի անկախ պետականությունը և գրավում նրա մայրաքաղաք Տուշպա-Վանը¹:

Մակայն արքաների այս ցանկը այսօր վերը նշված արքաներով չի սահմանափակվում, քսնի որ ուրարտագիտության մեջ հայտնաբերված

նոր սեպագլու աղբյուրները գիտությանը հաղորդել են նոր տվյալներ: 1970-ական թթ. ուրարտագիտության մեջ Ուրարտուի վերջին այլքաներ սկսեցին համարվել նաև Սարդուրի IV և Ռուսա IV արքաները. որոնց մասին առավել մանրամասն կիսուսենք ստորև:

Արժեքավոր է Ուրարտուի վերջին արքաների ժամանակագրության մասին Ն. Վ. Հարությունյանի արտահայտած տեսակետը. ըստ սրի նա 1955թ. Կարմիր-բուրից հայտնաբերված կավե սալիկի վրա ընթերցել է Ռուսա III համնուն որդի Ռուսա արքայի անունը. դրանով իսկ գիտությանը մատուցելով ուրարտական նոր արքային՝ Ռուսա IV-ին: Ելնելով դրանից՝ բացահայտվում է, որ Ուրարտուի պատմության վերջին շրջանի ժամանակագրության մեջ Սարդուրի III և Ռուսա III հաջորդել են նրանց ժառանգները՝ Սարդուրի IV և Ռուսա IV². և մեջբերում է Ուրարտուի պատմության վերջին շրջանի արքաների հետևյալ ժամանակագրությունը. Ռուսա Արգիշտոթդի (Ռուսա II), Սարդուրի Ռուսայոթդի (Սարդուրի III), Սարդուրի Սարդուրոթդի (Սարդուրի IV), Էրիմենա Սարդուրոթդի (*), Ռուսա Էրիմենայոթդի (Ռուսա III), Ռուսա Ռուսայոթդի (Ռուսա IV)³:

Ուրարտական պետականության անկման վերաբերյալ գոյություն ունի այն տեսակետը. որ Ք.ա. VII դարի կեսերից արդեն թուլացած պետությունը իր գոյությունը շարունակել է մինչև Ք.ա. 590-585թթ., երբ տեղի է ունենում պատերազմ Լիդիայի և Մարաստանի միջև, և որ Մարաստանն է վերացրել Ուրարտուի անկախ պետությունը կամ պատերազմը սկսելուց առաջ, կամ դրանից հետո⁴:

Ուրարտական արքաների ժամանակագրության այլ ցանկ է առաջարկում Ե. Գրեկյանը: Նա Ռուսա Արգիշտոթդուց, այսինքն՝ Ռուսա II (Ք.ա. 680-650-ական թթ.) հետո Ուրարտում տեսնում է հետևյալ գահակալներին՝ Էրիմենա, Ռուսա Էրիմենայոթդի (Ռուսա III), Սարդուրի Ռուսայոթդի (Սարդուրի III), որը կամ Ռուսա Էրիմենայոթդու կամ էլ Ռուսա Արգիշտոթդու որդին էր: Նա ասորեստանյան աղբյուրներում Ք.ա. 643թ. հիշատակվող Ուրարտուի վերջին գահակալն էր⁵: Միաժամանակ այն կարծիքն է արտահայտվում, որ Ռուսա Էրիմենայոթդու կառավարման ժամանակ Վանի թագավորությունը բաժանվում է մի քանի ինքնուրույն մասերի. որոնցից ամեն մեկը ունենում են տարբեր ճակատագրեր⁶:

Հայագիտության մեջ արտահայտված տեսակետներից այլ է Ս. Հմայակյանի տեսակետը. որի համաձայն Ռուարտուն շարունակել է իր գոյությունը մինչև Ք.ա. 520-ական թվականներ և կորցրել իր անկախությունը՝ Հայաստան արշաված լքեմենյան բանակի ներխուժումից հետո: Նա առաջարկում է Ռուարտունի վերջին արքաների հետևյալ ժամանակագրությունը՝ Ռուսա II (685-650թթ.), Ռուսա և Սարդուրի (650-645թթ.), Սարդուրի III (645-620թթ.), խնամակալություն (620-600թթ.), Սարդուրի IV (600-580թթ.), Էրիմենա (580-555թթ.), Ռուսա III (555-545թթ.), խնամակալություն (545-525թթ.), Ռուսա IV (525թ.)⁶: Առաջարկվել է նաև այն տեսակետը, որ Ռուարտունի վերջին արքաները հայկական ծագում են ունեցել⁷:

Տարբեր է մոտեցումը արևմտյան պատմագիտության մեջ: Այստեղ ընդունում են, որ Մարաստանը կարող էր կործանել Ռուարտական պետությունը. սակայն ոչ թե Ք.ա. 590-585թթ., այլ դեռևս ավելի վաղ՝ 640-629թթ. ընկած ժամանակահատվածում: Այս տեսակետը արտահայտում է Ս. Քրոլը⁷:

Այս ենթադրությունը հաստատվեց, նաև Բաստամուն իրականացված հնագիտական աշխատանքների. համաձայն որոնց 20-րդ դարի 80-ական թվականներից ուրարտագիտության մեջ առաջարկվեց ուրարտական պետության անկման թվական համարել Ք.ա. 650-640-ական թվականները⁸: Բաստամուն իրականացրած պեղումները պարզաբանում են, որ արդեն Ք.ա. VII դարի կեսերին ավերվել էր ուրարտական թագավորության մի շատ կարևոր կենտրոն: Կարմիր-բլուրից, Թովրակակալեից և Բաստամից հայտանաբերված ուրարտական տեքստերը, կնիքների արձանագրությունները չեն ակնարկում, որ գոյություն են ունեցել այլ իշխողներ: Վերևում հիշատակված զահակալները, ըստ Ս. Քրոլի. իրականում գուտ իշխաններ էին՝ LU.A.NIN-ի պաշտոնով, և ավելի ճիշտ է այդ անձանց թվագրել Ռուսա II-ի ժամանակաշրջանով: Հնարավոր էր համարվում, որ ուրարտական կայսրությունը անկում է ապրել Ռուսա Արգիշտոռի իշխանության տարիներին կամ նրանից հետո⁹: Նա նաև փոփոխություն է կատարել ուրարտական արքաների ժամանակագրության մեջ, ըստ սյոմ Ռուսա Էրիմենայորդու կառավարման շրջանը ետ է տանում Ռուսա Արգիշտոռից հետո¹⁰ և առաջարկում է ուրարտական արքաների հետևյալ ցանկը՝ Արգիշտի II. Ռուսա II. այնուհետև

րնտանիքի անդամներ LՍ.Ա.ՈԻՆ-ն պաշտոնում՝ Սարդուրի Ռուսայտրդի, Ռուսա Ռուսայտրդի, Լեւոնեմա, Սարդուրի Սար, Ռուսա Սարսուրտրդի, այնուհետև ուրարտական թագավորական տան անդամների զանկո շարունակում են՝ Ռուսա III և Սարդուրին: Նա գտնում է. որ Բ.ու. 609-608թթ. Բաբելոնյան ժամանակագրությունում հիշատակված Ուրարտուն հանդես է գալիս որպես աշխարհագրական տարածք, այլ ոչ թե թագավորություն¹¹:

Ըստ ամենայնի, այլ կարծիքի է արևմտյան ուրարտագիտության մյուս ներկայացուցիչ՝ Մ. Սավինին: Ըստ որում, կսրկարվում է նրա կողմից 2002թ. Վանից ոչ հեռու գտնվող Գյովելեք գյուղում Ռուսա III արքայի արձանագրությամբ կոթողի հայտնաբերումը: 2007թ. Մ. Սավինին Սավաջրք գյուղի մոտ (Վան քաղաքից արևելք) հայտնաբերում է մեկ այլ ամբողջական արձանագիր կոթող, որը լրացնում է Գյովելեքի տեղեկությունները և նոր մտքածրների տեղիք տալիս: Հեղինակը նշում է, որ Սավաջրքի հուշարձանը ևս պատկանում է Ռուսա Էրիմենայտրդուն (Ռուսա III), և այստեղ գործ ունենք ինչպես Գյովելեքի, այնպես էլ Քեշիշ-գյուլի հայտնի կոթող-վիմարքի կրկնօրինակի հետ: Նաև պարզվեց, որ այդ երկու վիմարքերը (Գյովելեք և Քեշիշ-գյուլ) պատկանում են միևնույն՝ ավելի քան 3,60 մ բարձրություն ունեցող կոթողի¹²: Հետևաբար, հեղինակը նշում է, որ այժմ ունենք երկու կոթող Քեշիշ-գյուլի տարածքում (1. Գյովելեք+Քեշիշ-գյուլ և 2. Սավաջրք, և երկուսն էլ պատկանում են Ռուսա Էրիմենայտրդուն (Ռուսա III), այլ ոչ թե Ռուսա Արգիշտրդուն (Ռուսա II) կամ Ռուսա Սարդուրտրդուն (Ռուսա I): Նորագույն տեղեկությունները հեղինակին ստիպում են որոշակի ճշգրտումներ մտցնել Զ.ա. VII ուրարտական պատմության արքաների ժամանակագրության հարցերում: Խոսքը վերաբերվում է Ռուսայի՝ Արգիշթիի որդու և Ռուսայի՝ Էրիմենայի որդու ժամանակագրության խնդրի նոր մեկնաբանմանը, ըստ որի Ռուսա Արգիշտրդին դառնում է Ռուսա III, իսկ Ռուսա Էրիմենայտրդին՝ Ռուսա II: Եվ առաջարկում է ուրարտական արքաների հետևյալ ժամանակագրությունը. Ռուսա Սարդուրտրդի (Ռուսա I), Արգիշտի Ռուսայտրդի (Արգիշտի II), Ռուսա Արգիշտրդի (Ռուսա II), Ռուսա Էրիմենայտրդի (Ռուսա III), Սարդուրի Ռուսայտրդի, Սարդուրի Սարդուրտրդի (Սարդուրի III)¹³:

Արդի մասնագիտական գրականության մեջ ամբողջացրած բոլոր տեսակետները վերջնական չեն և կարիք ունեն նոր բացահայտումների: Սակայն մեզ համար առավել համոզիչ է թվում Լ. Գրեկյանի ուրարտական ալիքաների համար առաջ քաշված գանկը. սակայն այն ևս կարող է փոփոխվել ուրարտական արխիվի հայտնաբերման դեպքում: 'Ն-ժբախտաբար, առայժմ ուրարտական տեքստերի արխիվ չի հայտնաբերվել: Հուսով ենք, որ Վանա լճի արևելյան ափին գտնվող Այանիսի հնագիտական պեղումները կարող են մատուցել հարուստ նյութեր ընդհանրապես Ուրարտուի ռազմաքաղաքական պատմության, ժամանակագրության, բառապաշարի, պաշտամունքի և այլ թվում պատմության գահակալների՝ Լուքիպրիի, Ուեդիպրիի, Էբիմենայի և Արամեի ուսումնասիրության համար:

SONA GRIGORYAN
(IOS)

THE PROBLEMS OF THE INVESTIGATION OF THE HISTORY OF THE LAST EPOCH OF BIAYNILI-URARTU IN THE MODERN HISTORIOGRAPHY

The question of how to date the reign times of the last kings of Urartu is discussed in Urartology even today. The scholars of Soviet and post-Soviet times and western scholars had different approaches to the question, each of them proposed different dates for the reign of each king, because the question of dating the reign periods of the late Urartian kings is closely connected with the question of the decline of the Urartian kingdom. So, G. Kapantsyan mentions after Rusa I the kings Argišti II, Rusa II and Sarduri II. He considers the last king of Urartu Erimena the son of Rusa II and proposes as dates of his reign 605-585 (B.C.), when the Medes put an end to the independent kingdom of Urartu. It is worth mentioning the point of view of N. Harutyunyan concerning the dating of the reign times of Urartian kings. In 1955 on a clay plate (Tontafel) he read in Karmir Blur the name of the king Rusa the son of Rusa III and thereby introduced into Urartology the name of a new king "Rusa IV". Another dating of the reign times of Urartian kings is proposed by E. Grekian. After Rusa the son of Argišti he mentions the following kings: Rusa the son of Erimena and Sarduri the son of Rusa. At the same time he expresses the opinion that in the reign of Rusa the son of Erimena the kingdom of Van is divided into different parts, each of which has its own

late. In Armenology one has expressed the opinion that the last kings of Urartu were of Armenian origin. The approach of western scholars is different. The western scholars accept that it is possible that the Medes destroyed Urartu, not between 590-585 (B.C.), but between 640-629. Such a point of view has S. Kroll. He has made changes in dating the reign times of the last Urartian kings. He puts the period of reign of Rusa the son of Erimeña after that of Rusa the son of Argišti and proposes the following list of the Urartian kings: Argišti II, Rusa II, then family members holding the post LÚ.A.NIN-li, Sarduri the son of Rusa, Rusa the son of Rusa, Erimeña, Sarduri Sar, then the list of the Urartian kings is continued by Rusa III and Sarduri. He expresses the point of view that Urartu, which is mentioned in the Babelonian chronicle in 609-608 (B.C.), is a geographical territory, but not a kingdom. It should be noted that all these points of view are not complete and perfect and new discoveries ought to be made. The list of Urartian kings by E. Grekian seems to be more convincing for us, but it can be also changed, if a new Urartian archive is discovered.

ԾԱՆՈԹԱԳՐՈՒԹՅՈՒՆՆԵՐ

1. Ղափանցյան Գ., Ուրարտուի պատմությունը, Եր., 1940, էջ 220-225: Նույն տեսակետն են արտահայտել նաև Ն. Ադունցը և Ռ. Գրյոսենը՝ Ուրարտուի վերջին արքա համարելով Ռուսա III Էրիմենայորդուն, ով հավանաբար իշխել է Ջ.ա. 610-585թթ.: Grousset R., *Historie ancienne de l' Arménie*, Paris, 1947, p. 62; Ադունց Ն., Հայաստանի Պատմություն, Եր., 1972, էջ 180:
2. Меликишвили Г. А., Урартские клинообразные надписи (այսուհետև՝ УКН), М., 1960, № 277, 456, 459-460 – Арутюнян Н. В., Корпус урартских клинообразных надписей (այսուհետև՝ КУКН), Ер., 2001, №№ 430-432; 445-446. Անհրաժեշտ է նշել, որ արևմտյան պատմագրության մեջ մերժվում է Սարդուրի IV և Ռուսա IV զահակության հնարավորությունը, և նրանք ուղղակի ընդունվում են որպես արքայազներ: Zimansky P., *Xenophon and the Urartian Legacy*, PALLAS, 43, Boston, 1995, p. 260, nt. 4; նույնի՝ *An Urartian Ozymandias*, *Biblical Archaeologist*, 582, 1995, 98f; Медведская И. Н., Конец Урарту: новые факты и гипотезы, Эрмитажные чтения памяти Б. Б. Пиотровского, СПб., 1998, с. 62.
3. Aroutiounian N. V., *Problème concernant la dernière période de l'histoire d'Urartu*, ACTA ANTIQUA, T. XXII, Budapest, 1974, p. 415-427; նույնի՝ *Некоторые вопросы последнего периода истории Урарту*, *Древний Восток*, 2, Ер., 1976, с. 98 и сл.; նույնի՝ *К интерпретации надписи на глиняной вулле Кармир-Блур*, Պատմա-րանսիրական հանդես (այսուհետև՝ ՊԲՀ), Եր., 1962, 3 (18), էջ 95-114; նույնի՝ *Бийинили (Урарту)*, СПб., 2006, с. 253-261; ինչպես նաև Ляконов Н. М., *Последние годы урартского государства*, *Вестник Древней Истории* (այսուհետև՝ ВДИ), М., 1951, № 1, с. 29-39; նույնի՝ *Урартские письма и документы*, М.-Л., 1963, с. 28-29;

- նույնի՝ Малая Азия и Армения около 600г. до н.э и северные походы вавилонских царей, ВЛИ. М., 1981, № 2, с. 34-64.
4. Lchmann-Hauri C. F., *Altmesopotamien und jetzt*. II2, 1931, Berlin, S. 686, 462; Пиотровский Б. Б. Ванское царство (Урарту). М., 1959, с. 116; Ляконов И. М., 1951. Последние годы урартского государства. Ассирио-вавилонские источники по истории Урарту. (այսուհետև՝ АВНИУ), ВЛИ. №№ 2-4. М., 1951. с. 34; Меликишили Г. А., Древневосточные материалы по истории народов Закавказья: I. Наир-Урарту. Тбилиси, 1954. с. 319-321; Ղափանցյան Գ., նշվ. աշխ., էջ 220-225; Арутюнян Н. В., Вопросы последнего периода истории Урарту. Древний Восток, 2, Ер., 1976, с. 112-114.
 5. Հմայակյան Ս. Գ., Թեյշեբաիւնի արշավող բանակի երթուղին. էրեբունի-Երևան, ՀԳՆՀ, Եր., 1998, էջ 10-12 (12-14):
 6. Կարապետյան Հ., Հայկական լեռնաշխարհը սեպագիր աղբյուրներում, Հ. I, Գիրք I, Սեպագիր տեղանուններ, Եր., 1998, էջ 50; Հմայակյան Ս. Գ., նշվ. աշխ., էջ 10-12 (12-14); Հարությունյան Բ., Հայաստանի, հայ-իրանական հարաբերությունների և Առաքելոսի Ասիայի հնագույն պատմության մի ընդհանուր շուրջ (մ.թ.ա. VII-VI դդ.), Եր., 1998, էջ 72-83:
 7. Luckenbill D. D., *Ancient records of Assyria and Babylonia*, II (այսուհետև՝ ARAB) II, Chicago, 1926-1927, « 834; Ляконов И. М., АВНИУ, № 72 (X, 40-50), № 79; Գրեկյան Ե. Հ., Վանի թագավորության ընթացքի պատմությունը (տպագրության ընթացքում):
 8. Գրեկյան Ե., Հ., նույն տեղում:
 9. Kroll S., *Keramik urartaischer Festungen in Iran*, AML, Erg. 2, Berlin, 1976, S. 175; Медведская И. Н., նշվ. աշխ., էջ 63:
 10. Kroll S., *Urartus Untergang in anderer Sicht*, Istanbul Mitteilungen, Bd. 34, 1984, S. 157-160.
 11. Kroll S., նշվ. աշխ., էջ 165-168; M. Salvini, *Geschichte und Kultur Urartäer*, Darmstadt, 1995, S. 117.
 12. Kroll S., նշվ. աշխ., էջ 163; Հմմտ. Ляконов И. М., Урартские письма и документы, М.-Л., 1963, с. 28; նույնի՝ Киммерийцы и скифы на Древнем Востоке, РА, № 1, 1994, с. 114; Арутюнян Н. В., Некоторые вопросы последнего периода истории Урарту. Древний Восток, 2, Ер., 1976, с. 113-114.
 13. Kroll S., նշվ. աշխ., էջ 166-169:
 14. Salvini M., *Argisti, Rusa, Erimena, Rusa und Die Löwenschwänze: Eine Urartäische Palastgeschichte Des VII. Jh. V. Chr.*, ARAMAZD, vol. II, Yerevan, 2007, p. 146; ինչպես նաև համեմատիր նույն հեղինակի ավելի վաղ հրատարակված աշխատությունում արտահայտված կարծիքի հետ: Sbu Salvini M., *Geschichte und Kultur Urartäer*, Darmstadt, 1995, S. 109-121.
 15. Salvini M., նույն տեղում, էջ 157-158; ինչպես նաև նույնի՝ *Corpus Dei Testi Urartei*, Vol. I, Roma, 2008, p. 9-10.